



Llywodraeth Cymru
Welsh Government

At:

Sefydliadau addysg uwch yng Nghymru sy'n darparu cyrsiau addysg uwch dynodedig
Sefydliadau addysg bellach yng Nghymru sy'n darparu cyrsiau addysg uwch dynodedig
Darparwyr eraill sy'n darparu cyrsiau addysg uwch dynodedig
Y Cwmni Benthyciadau Myfyrwyr
UCAS
Y Brifysgol Agored yng Nghymru
Grŵp Rhanddeiliaid Cyllid Myfyrwyr Cymru
Undeb Cenedlaethol Myfyrwyr Cymru
Cyngor Cyllido Addysg Uwch Cymru
Prifysgolion Cymru
Colegau Cymru
a phartion eraill â buddiant

08 Awst 2017

Annwyl Gydweithiwr

CYMORTH I FYFYRWYR CYMRU: POLISI AR GYFER DYNODI CYRSIAU ÔL-RADDEDIG

Mae'r polisi hwn yn disgrifio sut y caiff cyrsiau ôl-raddedig eu dynodi gan Weinidogion Cymru. Mae'n gymwys i ddynodiad cyrsiau nad ydynt eisoes yn ddynodedig ac sy'n dechrau ar 1 Medi 2017, neu ar ôl hynny.

Mae gan Weinidogion Cymru eisoes bolisi cyhoeddus ar ddynodiadau penodol cyrsiau israddedig, sef '*Cymorth i Fyfirwyr Cymru: Polisi ar gyfer Dynodi Cyrsiau Penodol*'. Gellir dod o hyd iddo yma:

http://www.cyllidmyfyrwrycymru.co.uk/media/196454/sfwin-02_2017-cymorth-i-fyfirwyr-cymru_-_polisi-ar-gyfer-dynodi-cyrsiau.pdf

Nid yw'r polisi hwn yn disgrifio dynodiad cyrsiau ôl-raddedig (heblaw am at ddibenion dyrannu'r Lwfans i Fyfirwyr Anabl).

YMHOLIADAU

Os oes gennych unrhyw ymholiadau am y polisi, neu os hoffech roi sylw ar yr Hysbysiad hwn, cysylltwch â'r Is-adran Addysg Uwch yn ysgrifenedig yn y cfeiriad isod neu dros yr e-bost: DynodiadCwrsAU@llyw.cymru.

Cymorth i Fyfirwyr Cymru: Polisi Ar Gyfer Dynodi Cyrsiau Ôl-raddedig

Cefndir

Gall cyrsiau ôl-raddedig gael eu dynodi'n benodol gan Weinidogion Cymru at ddibenion darparu cymorth ariannol i fyfirwyr cymwys sy'n gwneud y cyrsiau hynny. Rheoliadau Addysg (Benthyciadau at Radd Feistr Ôl-raddedig) (Cymru) 2017, fel y'u diwygiwyd, ('y Rheoliadau') yw'r sail ar gyfer y cymorth hwn.

Caiff llawer o gyrsiau meistr ôl-raddedig eu dynodi'n awtomatig gan y Rheoliadau. Pan na chaiff cwrs ei ddynodi'n awtomatig, gall Gweinidogion Cymru eu dynodi un ar y tro. Gelwir hyn yn ddynodiad penodol.

Mae hyn yn debyg i'r ffordd y dynodir cyrsiau israddedig. Mae Gweinidogion Cymru wedi cyhoeddi polisi ar ddynodiadau penodol ar gyfer cyrsiau israddedig, sef '*Cymorth i Fyfirwyr Cymru: Polisi ar gyfer Dynodi Cyrsiau Penodol*'¹ Nid yw'r polisi hwnnw yn disgrifio dynodi cyrsiau ôl-raddedig (heblaw am at y diben o ddarparu Lwfansau i Fyfirwyr Anabl).

Y polisi hwn, felly, sy'n disgrifio sut caiff cyrsiau ôl-raddedig eu dynodi gan Weinidogion Cymru.

Mae Gweinidogion Cymru yn ystyried y dylai sefydliadau y mae eu cyrsiau'n cael eu dynodi'n awtomatig a darparwyr addysg uwch eraill ddarparu addysg o ansawdd digonol, bod yn ariannol hyfyw a gwneud cyfraniad sylweddol a pharhaus er budd y cyhoedd o ran addysg.

Mae'r ddogfen hon yn amlinellu'r meini prawf y bydd Gweinidogion Cymru yn eu hystyried wrth benderfynu a ydynt am ddynodi cyrsiau'n benodol er diben cymorth myfyrwyr.

Mae'n rhaid i geisiadau am ddynodi cyrsiau penodol gael eu gwneud gan y sefydliad sy'n gyfrifol am reolaeth gyffredinol y cwrs o ran ei gynnwys a'i

¹ Ar gael o <http://www.cyllidmyfyrwryrcymru.co.uk/ymarferwyr/gwybodaeth-polisi/cyrsiau-dynodedig.aspx>

ddarpariaeth. Yn achos cyrsiau breiniol, dylai ceisiadau gael eu gwneud gan y breiniwr yn hytrach na'r sefydliad wedi'i freinio.

Mewn achos priodol, bydd Gweinidogion Cymru yn ystyried gadael eu safle cyffredinol fel y nodir uchod a pheidio â chymhwyso'r meini prawf a nodir isod. Fodd bynnag, mae Gweinidogion Cymru yn debygol o fabwysiadu dull o'r fath mewn achosion eithriadol yn unig, a dyletswydd y sefydliad dan sylw fydd rhoi rhesymau da pam y dylai Gweinidogion Cymru weithredu fel hyn.

Meini Prawf

Bydd pum maen prawf yn cael eu hystyried gan Weinidogion Cymru wrth benderfynu ai dynodi cwrs ai peidio:

- y gellir dynodi'r cwrs.
- bod y dyfarniad yn cael ei ddilysu gan gorff priodol.
- bod y darparwr yn gwneud cyfraniad sylweddol a pharhaus er budd y cyhoedd o ran addysg.
- bod y ddarpariaeth a gynigir gan y darparwr o ansawdd digonol.
- bod y darparwr yn hyfyw yn ariannol.

Cyrsiau

Rhaid i gyrsiau fod fel a ganlyn:

- Rhaglen astudio a ddysgir, rhaglen o ymchwil, neu'n gyfuniad o'r ddau. Gall gynnwys un cyfnod, neu fwy, o brofiad gwaith. Arwain, ar ei gwblhau'n llwyddiannus, at ddyfarnu gradd meistr ôl-raddedig.
- Cwrs llawn amser; un neu ddwy flynedd academiaidd o hyd.
- Cwrs rhan amser y gellir, fel arfer, ei gwblhau mewn dim mwy na dwywaith y cyfnod sydd angen i'w gwblhau wrth wneud cwrs cyffelyb yn llawn amser.
- Cwrs rhan amser nad oes iddo gwrs cyffelyb llawn amser, ac y gellir, fel arfer, ei gwblhau mewn hyd at dair blwyddyn academiaidd.

Gall cwrs fod yn gwrs Dysgu o bell. Dylai darparwyr nodi bod tystysgrifau a diplomâu ôl-raddedig yn cael eu dynodi yn unol â'r polisi ar gyfer dynodi cyrsiau israddedig.

Dilysu dyfarniadau

Rhaid l gwrs arwain at ddyfarniad gan gorff sy'n dod o dan adran 214(2)(a) neu (b) o Ddeddf Diwygio Addysg 1988.

Cyfraniad er budd y cyhoedd

Mae gan Lywodraeth Cymru adnoddau cyfyngedig ac mae'n rhaid iddi sicrhau ei bod yn cael y gwerth gorau i fyfyrwyr a threthdalwyr. Mae Llywodraeth Cymru am sicrhau bod buddsoddiad trethdalwyr mewn addysg yn cael ei ail-fuddsoddi cymaint â phosibl gan ddarparwyr er dibenion addysgol, h.y. mewn gweithgareddau sy'n cefnogi mynediad i addysg neu yn ei hyrwyddo, yn cyfrannu at argaeledd addysg neu'n gwella cyfraddau cadw myfyrwyr a chyflogadwyedd graddedigion. I bob diben, mae darparwyr addysg uwch y mae eu cyrsiau wedi'u dynodi ar gyfer cymorth myfyrwyr yn derbyn cymhorthdal gan drethdalwyr drwy'r cymorth sydd ar gael i'r myfyrwyr gan Lywodraeth Cymru ar ffurf benthyciadau.

Os oes gan ddarparwr *statws elusennol*, mae Llywodraeth Cymru yn ystyried bod hyn yn dangos tystiolaeth o gyfraniad er budd y cyhoedd.

Mae'n ofynnol gan Weinidogion Cymru i ymgeiswyr nad ydynt yn elusennau ddangos eu bod yn gwneud cyfraniad sylweddol a pharhaus er budd y cyhoedd yn gyffredinol ym maes addysg drwy gyflwyno datganiad ysgrifenedig. Mae Llywodraeth Cymru wedi nodi chwe maes a nodir isod y gall darparwyr addysg uwch ddangos eu bod yn gwneud cyfraniad sylweddol a pharhaus er budd y cyhoedd.

Engbreiffiau o Gyfraniad er Budd y Cyhoedd

(A) Cyfle cyfartal

Mesurau i ddenu a chadw myfyrwyr o grwpiau nad oes ganddynt gynrychiolaeth ddigonol, darparu cymorth academiaidd a lles i'r rhai hynny o grwpiau heb gynrychiolaeth ddigonol neu ddarpariaeth cynlluniau bwrsariaeth, dim talu ffioedd, ysgoloriaethau neu gyllid caledi.

(B) Hyrwyddo addysg uwch

Gweithio gydag ysgolion, colegau a chyrff cyhoeddus, preifat a gwirfoddol i gyfathrebu manteision addysg uwch a hyrwyddo diwylliant o ddysgu ac addysg.

(C) Addysg Gymraeg

Defnyddio a datblygu addysg cyfrwng Gymraeg a/neu iaith Gymraeg sy'n cefnogi amcanion strategaeth iaith Llywodraeth Cymru gan ddarparwyr sydd wedi'u lleoli yng Nghymru.

(D) Cyflogadwyedd graddedigion

Datblygu cyflogadwyedd graddedigion, sy'n ychwanegol i'r ddarpariaeth addysg, gan gynnwys cysylltiadau â chyflogwyr, datblygu sgiliau cyflogadwyedd, effeithlonrwydd, menter neu bersonol, neu leoliadau gwaith.

(E) Ymgysylltu â'r gymuned

Ymgysylltu â'r gymuned leol drwy ddarparu mynediad i gyfleusterau, darparu mynediad am ddim neu ratach i gyrsiau neu ddarlithoedd, neu ddarparu gwasanaeth sy'n rhan ganolog o ddyletswydd ddinesig y sefydliad. Gallai hyn fod i'r cyhoedd neu i grwpiau penodol. Gallai hefyd gynnwys rhaglenni lle mae myfyrwyr yn cael eu cynorthwyo i fod yn weithgar yn eu cymuned leol.

Nid yw'r uchod yn rhestr gyflawn - mae Llywodraeth Cymru yn cydnabod bod gan ddarparwyr ystod eang o amcanion ac efallai gallant ddangos cyfraniad ystyrlon er budd y cyhoedd mewn ffyrdd eraill. Gall y datganiad ysgrifenedig gynnwys enghreifftiau a thystiolaeth drwy gyfeirio at rai neu bob un o'r meysydd uchod nad ydynt yn gwbl gynhwysol ac unrhyw dystiolaeth arall y mae sefydliad yn ei hystyried yn berthnasol.

Bydd Gweinidogion Cymru yn ystyried a yw'r wybodaeth a ddarparwyd gan ymgeiswyr yn dangos cyfraniad sylweddol a pharhaus er budd y cyhoedd ym maes addysg. Bydd angen i'r dystiolaeth a ddarperir gan ymgeiswyr ddangos bod y gweithgarwch yn sylweddol ac yn barhaus, e.e. drwy gyfeirio at wariant ar weithgareddau sy'n cyfrannu er budd y cyhoedd mewn cysylltiad ag addysg a hyd y gweithgareddau hynny.

Dylai darparwyr nodi bod yn rhaid i gwrs allu bodloni meini prawf eraill ar gyfer eu dynodi **cyn** y bydd unrhyw dystiolaeth mewn perthynas â chyfraniad sylweddol a pharhaus er budd y cyhoedd yn cael ei ystyried. Ni fydd

darpariaeth addysg uwch ar ei phen ei hun yn ddigonol i ddangos bod cyfraniad wedi'i wneud.

Ansawdd

Mae'n rhaid i'r cwrs sydd i gael ei ddynodi fod o ansawdd digonol. Bydd yn rhaid i ddarparwyr ddarparu gwybodaeth yn ymwneud ag ansawdd gan y sefydliad neu asiantaeth sy'n gyfrifol am sicrhau ansawdd y cwrs. Dylai ansawdd darpariaeth AU darparwyr gael eu sicrhau gan Asiantaeth Sicrhau Ansawdd Addysg Uwch (<http://www.qaa.ac.uk/en>) neu asiantaeth ar y Gofrestr Sicrhau Ansawdd Ewropeaidd ar gyfer Addysg Uwch (EQAR), a bydd yn ofynnol iddynt gyflwyno tystiolaeth o adolygiad llwyddiannus.

Hyfywedd ariannol

Mae'n rhaid i'r darparwr sy'n ceisio cael dynodiad i'w gwrs ddangos ei fod yn gynaliadwy yn ariannol ac y gall myfyrwyr felly fod yn hyderus y bydd y darparwr sy'n gyfrifol am eu cwrs yn parhau'n hyfyw yn ariannol gydol eu hastudiaethau. Bydd yn ofynnol i ddarparwyr ddarparu gwybodaeth sy'n dangos eu bod yn gweithredu mewn modd sy'n hyfyw yn ariannol. Bydd hyn yn cynnwys gwybodaeth fel cyfrifon blynyddol wedi'u harchwilio a rhagolygon ariannol.

Lwfans i Fyfrwyr Anabl

Mae cyrsiau sy'n arwain at gymhwyster ôl-raddedig yn gallu cael eu dynodi at ddiben darparu Lwfansau Myfyrwyr Anabl i fyfyrwyr cymwys. Mae'n rhaid i ddarparwyr fodloni'r meini prawf ansawdd a hyfywedd ariannol a ddisgrifir uchod. Mae'n rhaid i'r cwrs gael ei ddilysu gan gorff cydnabyddedig fel y nodir yng Ngorchymyn Addysg (Cyrff sy'n cael eu Cydnabod) (Cymru) 2016. Nid yw'n ofynnol dangos cyfraniad er budd y cyhoedd mewn achosion lle bo'r darparwr ond yn ceisio dynodiad at ddibenion galluogi myfyrwyr i gael Lwfans i Fyfrwyr Anabl.

Gwneud Cais

Mae ffurflen gais ynghlwm yn Atodiad A. Dylai darparwyr ei chwblhau a'i dychwelyd gyda'r dystiolaeth angenrheidiol.

Mae'r ffurflen gais yn Atodiad A yn rhoi'r manylion sy'n ofynnol i alluogi Llywodraeth Cymru i asesu ceisiadau. Ni fydd Llywodraeth Cymru yn asesu

ceisiadau anghyflawn a chyfrifoldeb ymgeiswyr yw sicrhau bod eu ceisiadau yn gyflawn. Darparwyr sy'n gyfrifol am gynnwys eu ceisiadau.

Mae dynodi yn benodol i'r cwrs a lleoliad ei ddarpariaeth. Mae angen dynodiad ar gyfer pob lleoliad lle cynigir cwrs. Dylai ymgeiswyr nodi bod yn rhaid dynodi pob lleoliad lle mae myfyrwyr sy'n derbyn cymorth yn cael eu haddysgu. Os yw darparwyr wedi derbyn dynodiad ar gyfer lleoliadau penodol ac am ychwanegu lleoliadau ychwanegol wedi hynny, bydd angen iddynt wneud cais ar gyfer y lleoliadau hynny ar wahân. Os yw darparwyr am gael gwared ar leoliad neu ei newid, yna dylent gysylltu â Llywodraeth Cymru am wybodaeth am y broses i'w dilyn os oes amgylchiadau'n newid. Dylid anfon unrhyw ymholiadau at: DynodiadCwrsAU@llyw.cymru

Er y gall ymgeiswyr gyflwyno cais am ddynodi cwrs penodol ar unrhyw adeg yn ystod y flwyddyn, bydd angen iddynt neilltuo digon o amser i'w cais gael ei ystyried cyn dechrau'r cwrs(cyrsiau) dan sylw. Noder y gall y broses ymgeisio gymryd oddeutu tri mis o gyflwyno cais cyflawn i benderfyniad terfynol. Gall yr amserlenni fod yn hirach mewn achosion penodol, e.e. lle darperir gwybodaeth gymhleth/technegol/hirfaith neu wybodaeth anghyflawn neu os nad yw Gweinidogion Cymru am ddynodi cwrs ac yna'r ymgeisydd yn cyflwyno achos. Ni ddylai darparwyr gyhoeddi unrhyw wybodaeth sy'n awgrymu y bydd y cwrs yn derbyn cymorth gan Weinidogion Cymru cyn clywed beth yw canlyniad y cais.

Cyfrifoldeb ymgeiswyr yw sicrhau eu bod yn cynllunio eu ceisiadau dynodi cwrs a threfniadau ar gyfer recriwtio myfyrwyr yn brydlon. Bydd hyn yn sicrhau y gall myfyrwyr wneud cais am gymorth myfyrwyr os yw ceisiadau dynodi cwrs yn llwyddiannus, ac yn amodol ar gymhwysedd personol, ei dderbyn mewn pryd cyn dechrau eu cyrsiau.

Nid yw Llywodraeth Cymru yn gyfrifol am wybodaeth a roddir i fyfyrwyr gan ddarparwyr am argaeledd cymorth myfyrwyr. Cyfrifoldeb darparwyr unigol yw rhoi gwybodaeth gywir i fyfyrwyr am unrhyw gais am ddynodi cwrs penodol. **Yn benodol, dylai darparwyr nodi na allant hysbysebu bod cymorth myfyrwyr ar gael gan Lywodraeth Cymru am gwrs penodol tan i'r cwrs hwnnw gael sêl bendith ei fod yn cael ei ddynodi.**

Asesu a hysbysu

Bydd Llywodraeth Cymru yn adolygu'r cais a gwybodaeth ategol (lle'n gymwys ac yn pennu a ydynt am ddynodi ai peidio. Yna, bydd Llywodraeth Cymru yn ysgrifennu at y darparwr i'w hysbysu o'r penderfyniad. Os yw Gweinidogion Cymru wedi penderfynu peidio â dynodi cwrs, bydd darparwyr yn cael cynnig y cyfle i gyflwyno achos. Bydd rhesymau'n cael eu rhoi am y penderfyniad.

Ymchwiliadau

Bydd cais gan ddarparwr ar yr adeg y gwneir y cais i ddynodi cwrs yn destun ymchwiliad:

- gan lywodraethau Cymru, y DU, yr Alban neu Ogledd Iwerddon, gan y corff sy'n gyfrifol am ddilysu ei ddyfarniadau, neu gan y Cwmni Benthyciadau i Fyfyrwyr mewn cysylltiad â mater sy'n ymwneud â'i ddarpariaeth addysg uwch;
- gan sefydliad neu asiantaeth sy'n gyfrifol am ansawdd yr addysg uwch a ddarperir;
- gan ei reoleiddiwr elusen; neu
- mewn cysylltiad â throsedd honedig

ac ni fydd yn cael ei gymeradwyo fel arfer cyn i'r ymchwiliad ddod i ben. Gall Gweinidogion Cymru ystyried canlyniad ymchwiliad wrth benderfynu a yw am ddynodi cwrs.

Tynnu dynodiad yn ôl a gohirio taliadau

Gellir tynnu'r dynodiad oddi ar gwrs neu ohirio'r dynodiad os nad yw'r darparwr yn parhau i fodloni'r meini prawf dynodi. Gall Gweinidogion Cymru atal taliadau cymorth myfyrwyr i'r darparwr o dan amgylchiadau fel y rhai a restrir ym mharagraff 31 uchod. Gellir cymryd camau fel hyn mewn achosion lle mae twyll, camddehongli neu gamwedd arall gan ddarparwyr a/neu fyfyrwyr yn destun ymchwiliad neu wedi eu profi.

Newid amgylchiadau

Mae'n ofynnol i ddarparwyr hysbysu Llywodraeth Cymru am unrhyw newidiadau a allai effeithio ar eu gallu i fodloni meini prawf penodol. Mae'n rhaid i ddarparwyr hefyd roi gwybod am unrhyw newidiadau rheoli neu berchnogaeth. Mae sefydliad yn cael dynodiad yn seiliedig ar y meini prawf a nodir yn y ddogfen bolisi hon. Gall newid rheolaeth neu berchnogaeth newid gallu darparwr i barhau i fodloni'r meini prawf dynodi. Mae hyn yn golygu os oes newid mewn rheolaeth neu berchnogaeth darparwr, yna nid yw'r dynodiad cwrs penodol yn parhau'n awtomatig. Mae'n bwysig bod darparwyr y mae eu cyrsiau wedi'u dynodi gan Weinidogion Cymru yn ymgysylltu â Llywodraeth Cymru cyn gynted â phosibl cyn i gyfryw newid gael ei wneud.

Mae'n ofynnol i ddarparwyr hysbysu Llywodraeth Cymru os oes newidiadau'n cael eu gwneud i unrhyw un o'u cyrsiau dynodedig. Mae'r cyfryw newidiadau yn cynnwys mân newidiadau i deitlau cyrsiau nad ydynt yn cael effaith sylweddol ar gynllun neu strwythur y cwrs. Mae'r wybodaeth hon yn angenrheidiol i sicrhau bod rhestr Llywodraeth Cymru o gyrsiau dynodedig yn gywir a bod y wybodaeth a gyflenwir i'r Cwmni Benthyciadau i Fyfrwyr ac i fyfyrwyr am gyrsiau dynodedig yn gywir.

Os oes newidiadau'n cael eu gwneud i gyrsiau sy'n arwain at newid sylweddol i:

- gynnwys cwrs
- dull astudio
- hyd y cwrs
- lleoliad darparu'r cwrs
- corff dilysu

yna efallai y bydd angen dynodiad newydd ar gyfer y cwrs.

Os nad yw darparwyr am ddynodi cwrs penodol mwyach, yna dylent roi gwybod am hyn fel newid amgylchiadau a bydd Llywodraeth Cymru yn cael gwared ar y cwrs hwn oddi ar ei rhestr o gyrsiau dynodedig.

Anfonwch unrhyw ymholiadau mewn perthynas â newid amgylchiadau at:

DynodiadCwrsAU@llyw.cymru

Cyfrinachedd a Rhyddid Gwybodaeth

Mae'n rhaid i Lywodraeth Cymru gydymffurfio â Deddf Rhyddid Gwybodaeth 2000. Mae hyn yn golygu y gall unrhyw wybodaeth sy'n cael ei dal gan Lywodraeth Cymru fod yn destun cais o dan y Ddeddf Rhyddid Gwybodaeth ac felly byddai angen ei hystyried ar gyfer ei datgelu. Os yw unrhyw wybodaeth sy'n ymwneud â chais o dan y Ddeddf Rhyddid Gwybodaeth, fel arfer byddwn yn ymgynghori â'r ceisydd perthnasol i gael ei farn ar unrhyw bryderon sydd ganddo o bosib ynghylch y wybodaeth sy'n cael ei rhyddhau i'r cyhoedd.

Er ein hymrwymiaidau o dan y Ddeddf Rhyddid Gwybodaeth, bydd Llywodraeth Cymru ond yn rhannu gwybodaeth mewn ceisiadau wedi'u cyflwyno gyda'r unigolion a'r sefydliadau y mae Llywodraeth Cymru yn eu hystyried yn angenrheidiol er diben pennu cais, cyhyd ag y gellir cymhwyso dyletswydd hyder i'r wybodaeth. Gall sefydliadau fel hyn gynnwys, ond heb fod yn gyfyngedig, i'r Asiantaeth Sicrhau Ansawdd ar gyfer Addysg Uwch, y Cwmni Benthyciadau i Fyfirwyr, cyrff dilysu a dyfarnu, a Chyngor Cyllido Addysg Uwch Cymru a Chyngor Cyllido Addysg Uwch Lloegr.

Efallai y bydd gwybodaeth a gyflenwir gan ymgeiswyr yn cael ei defnyddio i atal a datgelu troseddau o unrhyw natur, gan gynnwys twyll. Rydym yn cadw'r hawl i, neu efallai y byddwn yn gorfod rhoi gwybodaeth o geisiadau a chofnodion cysylltiedig i'r heddlu, asiantaethau datgelu ac atal troseddu eraill, y Swyddfa Gartref, Fisâu a Mewnfudo y DU, y Cwmni Benthyciadau i Fyfirwyr, CThEM, Student Awards Agency for Scotland, Llywodraeth Gogledd Iwerddon, yr Adran Addysg, Llywodraeth y DU yn ogystal â byrddau arholi neu gyrff dyfarnu.

Bydd gwybodaeth am ddarparwyr y mae eu cyrsiau'n cael eu dynodi'n benodol gan Weinidogion Cymru at ddiben cymorth myfyrwyr ar gael i'r cyhoedd mewn rhestr o gyrsiau a gyhoeddir gan neu ar ran Llywodraeth Cymru.

Newidiadau polisi yn y dyfodol

Efallai y bydd darparwyr am nodi bod Gweinidogion Cymru yn ystyried newidiadau i bolisi dynodi ac maent yn cadw'r hawl i newid y polisi hwn heb rybudd neu i adolygu dynodiadau cwrs presennol.

Cyswllt

Anfonwch ymholiadau a cheisiadau at:

DynodiadCwrsAU@llyw.cymru

neu

Isadran Addysg Uwch,

Llywodraeth Cymru

Parc Cathays

Caerdydd

CF10 3NQ

Awst 2017

Atodiad A

Cais i Ddynodi Cwrs Meistr Ôl-raddedig

1. ENW A CHYFEIRIAD Y DARPARWR	
Rhowch fanylion unrhyw enwau masnachu, neu enwau blaenorol a ddefnyddiwyd gan y darparwr.	
2. CYFEIRIAD(AU) LLEOLIADAU ERAILL	

3. CYFRANIAD ER BUDD Y CYHOEDD

Oes gan y darparwr statws elusennol? OES / NAC OES

Os 'Oes':

Ydy'r darparwr yn elusen sydd wedi'i cofrestru gyda'r Comisiwn Elusennau? Os felly, rhowch rif cofrestru'r elusen.

Ydy'r darparwr yn elusen a reoleiddir gan reoleiddiwr heblaw am y Comisiwn Elusennau? Os felly, rhowch fanylion.

Os yw'r elusen yn cael ei heithrio rhag gorfod cofrestru â rheoleiddiwr, rhowch fanylion a chopi o'ch dogfen lywodraethu.

Os atebwyd 'Nac Oes', efallai y byddwch am ofyn i Weinidogion Cymru ystyried eich cais a darparu tystiolaeth o gyfraniad sylweddol a pharhaus er budd y cyhoedd. Nodwch yma a fydd Datganiad o Gyfraniad er Budd y Cyhoedd yn cael ei gynnwys i'w ystyried fel rhan o'ch cais.

Cyflwynwyd **Datganiad Er Budd y Cyhoedd**: DO/ NADDO?

4. ANSAWDD

Darparwch ddolen i'r adroddiad diweddaraf ar ansawdd y darparwr gan yr Asiantaeth Sicrhau Ansawdd ar gyfer Addysg Uwch.

Os na fedrwch chi ddarparu dolen i adroddiad gan yr Asiantaeth Sicrhau Ansawdd ar gyfer Addysg Uwch, eglurwch pam hynny.

5. HYFYWEDD ARIANNOL

Darparwch y canlynol:

- datganiadau ariannol ar gyfer y tair blynedd diwethaf wedi'u harchwilio'n allanol, neu ddatganiadau ariannol wedi'u harchwilio'n allanol ar gyfer pob blwyddyn fasnachu os nad yw'r darparwr wedi bod yn masnachu ers tair blynedd;
- rhagolygon ariannol am y flwyddyn bresennol a'r tair blynedd nesaf, gan gynnwys sylwebaeth ar ragdybiaethau a wnaed mewn rhagolygon a sut y rheolir risgiau ariannol; ac
- unrhyw wybodaeth arall a allai fod yn berthnasol.

6. Y CWRS / Y CYRSIAU

Cwblhewch y Tabl Cyrsiau atodedig ar gyfer pob cwrs rydych chi'n gwneud cais am ddynodiad ar ei gyfer.

7. CYTUNDEB DILYSU

Darparwch gopi o'r cytundeb dilysu ar gyfer pob cwrs.

8. GWYBODAETH YCHWANEGOL AM Y CWRS

Os yw'r cwrs / cyrsiau sydd wedi'u rhestru yn y Tabl Cyrsiau wedi'u dynodi yn Lloegr, yr Alban neu Ogledd Iwerddon, nodwch fanylion.

9. RHAGOR O WYBODAETH

Rhowch unrhyw wybodaeth arall sydd, yn eich tyb chi, yn berthnasol i'r cais hwn.

10. ENW A SWYDD

Eich enw:

Eich swydd yn y sefydliad:

11. LLOFNOD A DYDDIAD

Llofnod:

Dyddiad:

CYFEIRIAD DYCHWELYD

Dychwelwch y ffurflen hon i:

DynodiadCwrsAU@llyw.cymru

Gall Gweinidogion Cymru ofyn am ragor o wybodaeth a allai fod yn ofynnol yn rhesymol i asesu'r cais.

Defnyddiwch daflenni ychwanegol os oes angen.

ENGHRAIFFT

Cais Dynodi Penodol (Cymru): Tabl Cyrsiau

Darparwr: Darparwr A

Cyrsiau Ôl-raddedig

Enw'r cwrs	Cymhwyster	Modd presenoldeb	Hyd y cwrs (blwyddyn)	Lleoliad	Dilyswyd/ Dyfarnwyd gan	Gofynion derbyn
Astudiaethau Busnes	MA	Llawn amser	1		Prifysgol B	Gradd anrhydedd mewn unrhyw bwnc
Ffiseg	MSc	Rhan-amser	4		Prifysgol B	Gradd anrhydedd mewn unrhyw bwnc